

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

Коми Республикаса олӧмӧ пӧртысь власьт системаын Коми Республикаса канму чиньясын уджалысь чина йӧзлы командировкаясысь рӧскод бергӧдан мында вежӧм йылысь

Коми Республикаса Вєськӧдлан котыр шуис:

1. 2021 воын дугӧдлыны «Коми Республикаса канму чиньясын уджалысь йӧзлӧн, Коми Республикаса канму гражданскӧй служащӧйяслӧн Россия Федерация мутасын служебнӧй командировкаяскӧд йитчӧм рӧскод бергӧдан мында йылысь» Коми Республикаса Вєськӧдлан котырлӧн 2006 во моз тӧлысь 18 лунся 203 №-а шуӧмын 1 пунктлӧн «б» пунктуса коймӧд-витӧд, дас витӧд абзацьяслысь, «в» пунктуса мӧд абзацлысь вынсӧ Коми Республикаса олӧмӧ пӧртысь власьт системаын Коми Республикаса канму чиньясын уджалысь йӧз серти, кодьясӧс индӧма «Коми Республикаса Юралысь, Коми Республикаса Вєськӧдлан котыр да Коми Республикаса олӧмӧ пӧртысь власьт системаын органьяс йылысь» Коми Республикаса Оланпасын 3 статьялӧн 1 юкӧнса 4 - 11¹ пунктьясын (водзӧ – Коми Республикаса олӧмӧ пӧртысь власьт системаын Коми Республикаса чина йӧз).

2. Урчитны, мый 2021 воын Коми Республикаса олӧмӧ пӧртысь власьт системаын Коми Республикаса чина йӧзлы командировка местаӧдз мунӧмысь да бӧр туйысь рӧскодсӧ, а сідзжӧ олан жыр бронируйтӧмысь да медалӧмысь рӧскодсӧ бергӧдӧны Коми Республикаса канму гражданскӧй служащӧйяслы индӧм мындаын.

3. Тайӧ шуӧмлӧн 1 да 2 пунктьяслӧн выныс оз паськав Коми Республикаса олӧмӧ пӧртысь власьт системаын Коми Республикаса чина йӧз вылӧ, кодьяс уджалӧны делегацияӧ пырысь Коми Республикаса Юралыськӧд да кодьясӧс ыстӧны служебнӧй командировкаясӧ пӧрадокын, кутшӧмӧс урчитӧма «Коми Республикаса олӧмӧ пӧртысь власьт органьясӧн, Коми Республикаса олӧмӧ пӧртысь власьт системаын Коми Республикаса канму органьясӧн Коми Республикалысь войтыркостса да экономикаын ортсыса йитӧдьяс збыльмӧдан пӧрадок йылысь» Коми Республикаса Вєськӧдлан котырлӧн 2003 во вӧльгым тӧлысь 3 лунся 237 №-а шуӧмӧн, либӧ пӧрадокын, кутшӧмӧс урчитӧма «Коми Республикаса олӧмӧ пӧртысь власьт системаын Коми Республикаса канму чиньясын уджалысь йӧзӧс командировкаӧ ыстан пӧрадок да условияс йылысь» Коми Республикаса Юралысьлӧн 2014 во вӧльгым тӧлысь 18 лунся 124 №-а Индӧдӧн.

4. Вӧзйыны Коми Республикаса канму власьт мукӧд органлы, Коми Республикаса канму органьяслы ассьыныс уджсӧ котыртӧгӧн вӧдитчыны тайӧ шуӧмлӧн положениеясӧн.

5. Тайӧ шуӧмыс вынсялӧ сійӧс примитан лунсянь.

Коми Республикаса Вєськӧдлан котырӧн
Юрнуӧдысьӧс Медводдза вежысь

И. Булатов

Сыктывкар
2021 вося урасьӧм тӧлысь 17 лун
79 №